

Անանիա Շիրակացի

ՊԱՏՄՈՒԹԻՒՆ



eMatenadaran.

Անանիա Շիրակացի Պատմութիւն

http://www.litres.ru/pages/biblio_book/?art=24431222

Պատմութիւն:

ISBN 9781772467901

Аннотация

Մեծ է Անանիա Շիրակացու գիտական գործունեության ոլորտը: Ջբաղվել է փիլիսոփայությամբ, աստղագիտությամբ, աշխարհագրությամբ, մաթեմատիկայով, տոմարագիտությամբ, արքիմիկոսությամբ: Իր աշխատության մեջ հեղինակ ներկայացնում է մինչ իր դարաշրջանը հայ ժողովրդի պատմությունը՝ հղումներ անելով տարբեր աղբյուրներից:

Содержание

[1]	4
[2]	9
Конец ознакомительного фрагмента.	26

Անանիա Շիրակացի Պատմութիւն

[1]

Մովսէսի Խորենացոյ եւ Անդրեասի: Աղամ նախաստեղծ. սա կեցեալ ամս երկերիւր եւ երեսուն՝ ծնանի զՄէք: Եւ եկեաց ամս եւթն հարեր, մինչեւ ի հարեր երեսուն եւ հինգ ամն Մաղաղայելի: Մէք կեցեալ ամս երկերիւր եւ հինգ՝ ծնանի զԵնովս. եւ եկեաց ամս ՉԷ, մինչեւ ի քսան ամն Ենովբայ: Սորա երկուքն յարձանագրութեանցն՝ ընդդէմ երկուց հանդերձելոցն, որպէս ասէ Յովսէպոս, թեպէտ եւ ուրն անյայտ է:

Ենովս, որ առաջին յուսացաւ կոչել զԱստուած: Եւ ընդէ՞ր արդերք այս, եւ կամ վասն որո՞յ պատճառանաց նախն է ասացեալ կոչելոյն զԱստուած, կամ ո՞րպէս կոչելն իմանի: Քանզի Աղամ ճշմարտութեամբ աստուածաստեղծն. եւ սա ի բերանոյ Աստուծոյ առեալ ասի պատուեր. այդ եւ յանցուցեալ եւ ի թաքստեան եղեալ, զՈ՛ր եսն յԱստուծոյ՝ եւ ոչ յայդ ումեքէ հարցանի: Սապէս եւ զվճիռ վարկին ի նմին բերանոյ լսէ. իսկ յետոյ եւ Աբէղ մերձաւոր եւ ծանաւթ Աստուծոյ լիսալ՝ պատարագս մատուցանէ, եւ ընկալեալ լինի:

Արդ՝ սոցա այսպէս ընդունելութեան եւ ծանաւթութեան

Աստուծոյ լինել, Է՞ր աղագաւ առաջին սա ասի կոչել
զԱստուած, եւ այս յուսով: Այդ գայդան վասն սորա ի
տեսութեանց՝ ի հրաւիրեալսն մեր յողարկեացոյք տեղի.
Իսկ որ առձեռնպատրաստն է, ասացոյք: Քանզի ի
պատուիրանագանցութեան գտեալ առաջինն ի մարդկանէ՝
ի դրախտէն եւ յԱստուծոյ՝ շարութեան աղագաւ, որպէս
ասացեալ է, գտանի արտասահմանեալ: Չկնի եւ
ընտանեգոյնն Աստուծոյ՝ յորդոցն Ադամայ՝ ի հարագատէն
հիրմէ սպանանի յեղբարէ: Յետ որոյ՝ ոչ բանի ինչ
աստուածայնոյ, եւ ոչ յայտնութեան ինչ իրիք եղելոյ, ի
տարակուսանս եւ յանյուսութեան ազգ մարդկան համարեալ
լինի. այդ եւ ինքնահաճոյ արդարեւ գործս. յորոց միջի սա
քաջայոյս եղեալ՝ ողորութեամբ հանդերձ՝ կոչէ զԱստուած:
Իսկ կոչելոյ կրկնակի իմանի. կամ անուանել որպէս
գնոռացեալ, կամ յաւգնականութիւն կարդալ:

Արդ՝ անուանել որպէս գնոռացեալ՝ ոչ է ի դէպ. զի
ոչ բազմութիւն ամաց ընդ մէջ, որ ի մոռացումն նոցա
զԱստուածոյ ամէր անունն, եւ կամ գնոյն իւքն որոյ անունն.
Եւ ոչ դարձեալ մահու եւ թողման դեռ եւս յԱստուծոյ
ստեղծեալն հասեալ է: Ապա ուրեմն յաւգնականութիւն կոչէ
սա զԱստուած:

Ժա կեցեալ ամս ՃՂ, ծնանի զԿայիան: Եւ եկեաց ամս
ՉԺԵ, մինչեւ ի ԺԳ ամն Մաթուսաղայի:

Կայիան կեցեալ ամս ՃՀ, ծնանի զՄաղաղան. եւ եկեաց
ամս ՉԽ, մինչեւ ՁԱ ամն Ղամեքայ:

Մաղաղայել կոցեալ ամս ՃԿԵ, ծնանի զՅարեդ. եւ եկեաց

ամս ՉԼ, մինչեւ ԽԸ, ամս Նոյի:

Յարեգ կեցեալ ամս ՃԿԲ, ծնանի գԵնովք. եւ եկեաց ամս Պ, մինչեւ ՄՁ ամս Նոյի:

Ենովք կեցեալ ամս ՃԿԵ, ծնանի գՄաթուսաղայ: Եւ եկեաց ամս Մ մինչեւ ԼԳ ամս Ղամեքայ: Եւ հաճոյ եղեալ Աստուծոյ փոխի: Սա յետ ծնանելոյ գՄաթուսաղայ ամաց Մ՝ արժանի եւ հաճոյ վարս ստացեալ, որպէս գիտէ որ հաճեցան, փոխեալ ի միջոյ ամպարշտաց, գորոյ գպատճառսն յետոյ հատուցուր: Մաթուսաղայ կեցեալ ամս ՃԿԷ, ծնանի գՂամեք. եւ եկեաց ամս ՊԲ, մինչեւ Ռ ամս Նոյի. եւ անդէն իսկ առ ջրհեղեղան վախճանեցաւ:

Ղամեք կեցեալ ամս ՃՁԸ, ծնաւ որդի եւ անուանեաց գանուն նորայ Նոյ: Եւ եկեաց ամս ՇԼԷ, մինչեւ ի ՇՂԵ ամս Նոյի. եւ մեռաւ չորիւք ամաւք յառաջ քան գՄաթուսաղայ հայր իւր:

Վասն Նոյի: Եւ ընդէ՞ր արդեւք գսա միայն որդւոյդ անուամբ յորջորջեաց, իսկ վասն այդոցն ամենեցուն պարգաբար ասաց՝ թէ ծնան. գորմէ ընդդէմ իմն մարգարեանայ հայրն: Սա, ասէ, հանգուցէ գմեգ ի գործոց եւ ի տրտմութենէ ձեռաց եւ յերկրէ՝ գոր անէծ տէր Աստուած. որ եղեւ ոչ հանգիստ, այդ ջնջումն՝ որ ինչ միանգամ ի վերայ երկրի: Ինձ թուի, հանգուցանելն՝ դադարեցուցանել. իսկ դադարեցուցանելն գամպարշտութիւնս եւ գչարիս՝ սատակնամբ մարդկան երկրագործաց դարուն երկրորդի: Քանգի գեղեցկաբար ասաց, թե ի գործոց մերոց, որ է յանարեւնութեանց. եւ ի տրտմութենէ ձեռաց՝ որովք

կատարենք գաղժութիւնս: Բայց այդարեւ հանգչին ըստ այսմ մարգարէութեան ոչ ամենեքեան, այդ կատարեալքն յառաքինութեան ոգիք. յորժամ չարիք՝ իբրեւ հեղեղաւ ջնջեալք մաքրին, իբր առ Նոյի մոլեալքն ի չարիս: Իսկ որդւոյդ անուամբ՝ մեծարեաց գնա Գիր, իբրեւ գյայտնի եւ զնշանաւոր, եւ զարժանի ժառանգ հայրենականացն ժառանգութեան:

Անդրէասի: Նոյ եղեալ ամաց հինգ հարեր՝ ծնաւ երիս որդիս՝ զՍէմ, զԲամ, եւ զՅաբեթ. եւ յետ հարեր ամի ծննդեանն Սեմայ՝ եկն ջրհեղեղն յամի վեցհարերորդի կենացն Նոյի, եւ կալաւ զերկիր ամ մի: Եւ առնին յԱդամայ մինչեւ ի ջրհեղեղն ազգք տասն, ամք ՍԽԲ:

Եւ եկեաց Նոյ յետ ջրհեղեղին ամս 30, մինչեւ 2 ամն Եբերայ: Եւ այս են ծնունդք Սէմայ: Սէմ էր ամաց ՃԲ, ծնաւ զԱրփաքսադ յերկրորդում ամին յետ ջրհեղեղին. եւ եկեաց ամս Ծ, մինչեւ ի Ճ եւ ի Ա ամն Փաղոկայ:

Արփաքսադ եղեալ ամաց ՃԼԷ՝ ծնանի զԿայինան. եւ եկեաց Կայինան ամս 3Լ, մինչեւ Սաղայ: Սաղայ եղեալ ամաց ՃԼ, ծնաւ զԵբեր. եւ եկեաց ամս ՆՉ, մինչեւ յերթներորդ ամն Սերուքայ:

Եբեր եղեալ ամաց ՃԼԴ, ծնաւ զՓաղեգ. եւ եկեաց առ նովաւ ամս ՆԼԴ, մինչեւ ԼԸ ամն Նաքովրայ: Առ սովաւ ասի լինել բաժանումն լեզուացն, վասն զի եւ Փաղեգ՝ ըստ եբրայեցոց բարբառոյն՝ բաժանումն կոչի: Եւ առնին ի ջրհեղեղէն մինչեւ զՓաղեգ ազգք հինգ, ամք ՇԻԵ: Եւ յԱդամայ՝ ազգք հնգետասան, ամք ՍՉԿԷ:

Բաժինք երկրի յերից որդոցն Նոյի, յետ ջրհեղեղին, Սէմայ, Քամայ, եւ Յափեթի, եւ բաժինք ազգաց նոցա: Եւ առնին սահմանք նոցա, Սէմայ անդրանկանն Նոյի՝ ի Պարսից եւ ի Բակտրիոնէ մինչեւ ի Հնդիկս. եւ ձգին մինչեւ յԲինիկորոն: Եւ Քամայ երկրորդի որդոյն՝ յԲինիկորուրայ մինչեւ ի Գադիբովն, կողմն հարաւոյ: Եւ Յափեթի՝ երրորդի որդոյն՝ ի Մարաց մինչեւ ի Գադիբովն, կողմն հիւսիսային: Եւ է Յափեթի՝ գետն Դկղաթ, որ մեկնէ ընդ Մարս եւ ընդ Բաբելովն: Եւ Սէմայ՝ գետն Արածանի: Եւ Քամայ՝ գետն Գեհովն, որ կոչի Նիդոս: Եւ որ խառնակեցան լեզունք յետ ջրհեղեղին՝ եին եւթանասուն եւ երկու: Եւ որ զաշտարակն շինեին՝ այն ազգք եւ նոր լեզուաւքն ընդ ամենայն երկիր սփռեցան: Եւ Նեբբովդ սկայ՝ որդի Քուշայ եթիովպացի՝ որսայր նոցա երէ առ ի կերակուր բաւականի:

[2]

Որդիք Յափեթի, երրորդի որդւոյն Նոյի, Գոմեր. եւ ի նմանէ Գամիրք: Մագովդ՝ եւ ի նմանէ Կեղտք եւ Գաղատացիք. եւ Մադայ՝ եւ ի նմանէ Մարք: Յաւան՝ եւ ի նմանէ Յոյնք եւ շեղդէնք. Թորբէլ՝ եւ ի նմանէ Թետաղք. Մոսք՝ եւ ի նմանէ եւ գուրիկացիք. Թիրաս՝ եւ ի նմանէ Թրակացիք: Քիտիւս՝ եւ ի նմանէ Մակեդովնացիք: Եւ որդիք Թիրասայ՝ Ասքանաս, եւ ի նմանէ Սարմատք. Երիփաս՝ եւ ի նմանէ Սաւրոմատք. եւ Թորգոմ՝ եւ ի նմանէ Հայք: Եւ որդիք Յաւանայ՝ Եդիսա. եւ ի նմանէ Սիկեղացիք եւ Աթենացիք: Թարշիշ՝ եւ ի նմանէ Վիրք եւ Տիրենացիք. Կիտիս՝ ուստի Հոռոմք, եւ Ղատէնացիք, եւ Ռոդացիք: Ընդ ամենայն ազգք շնգետասան:

Եւ ի սոցանէ ելին մեկնեցան կղզիք հեթանոսաց, որ են Կիւպրացիք՝ ի Կիտիացոց, որդիք Յաբեթի: Բայց դարձեալ գտանենք եւյայնոցիկ՝ որ են ի կողմանս հիւսիսոյ, որ ազգակից են Կիտիացոցն: Եւ ազգքն որ են ի շեղաս աշխարհի՝ յայնցանէ են, որք յետոյն փոխեցան անդր, որպէս Սաւետացիքն, որ բնակեցան յԱթէնս քաղաքի պատուականացն Յունաց, եւ Թիրեացիք: Սիդովնացիք ելին եւ պանդխտեցան, որ են ի Կաղեմայ որդւոյ Ազենովրայ. եւ Կարբեղովնացիք, որ են եկք ի Տիրոսէ. եւ եթե այդք եւս իցեն, որ սոյնպէս յետոյ փոխեցան. եւ Եղադաս: Բայց ուսանիմք զճշմարտութիւն սոցայ յարիւնաց եւ ի մարգարեից: Արդ՝

ելին, ի Յափեթէ, ի խառնակել լեզուացն, ազգք հնգետասան.
Եւ ունին ազգքս այսոքիկ, որ ելին ի Յափեթէ, ի Մարաց
մինչեւ ի Սպերիոն, որ ձգին մինչեւ յՈվկիանոս. եւ հային ընդ
հիւսիսի:

Մարք, Աղուանք, Լփինք, Աղանք, Անագոնք,
Ճիղբք, Մասքութք, Հայք, Վիրք, Եգերացիք,
Խաղտիք, Գամիրք, Պափղագոնացիք, Մարիանդէնացիք,
Բիբարէնացիք, Քաղիկացիք, Մոսիւնիկացիք, Կողքացիք,
Մեղանք, Ղենացիք, Սարմատք, Սաւրոնատք,
Մեովտացիք, Սկիւթացիք, Տարացիք, Թրակացիք,
Բաստառնացիք, Իդիւրիկացիք, Մակեդովնացիք, Յոյնք,
Ղիբացիք, Իստրացիք, Հոնք, Դանացիք, Յապիւզացիք,
Կաղաբրացիք, Ովնիկացիք, Ղատենացիք, որ են Հոռոնք,
Տիրենացիք, Գաղիանոսք, Կեղտք, Ղիզիստիանոսք,
Կեղտիբերք, Գաղիացիք, Ակիւտանացիք, Իդիւրիանոսք,
Բաստանք, Կիրտանացիք, Ղիւսիտանացիք, Վակիացիք,
Կիւնացիք, Բրիտանիկեցիք, որ ի կղզիսն բնակեալ են:

Եւ այս ազգք են՝ որ գիտեն ի սոցանէ դպրութիւն:
Իբերացիք, Ղատինացիք՝ որով Հոռոնքն վարին,
Սպանիացիք, Յոյնք, Մարք, Հայք: Եւ են սահմանք սոցա ի
Մարաց՝ ընդ կողմն հիւսիսոյ մինչեւ ի Գաղիքովն: Եւ ձգին
ի Պատամիդով գետոյ մինչեւ ի Մատուսիա, որ է Իդիովն:
Եւ այս են ազգք եւ երկիրք նոցա:

Ատրպատական, Աղուանք, Անագոնիա, Հայք Մեծք
եւ Փոքունք, Կապադոկիա, Պափղագոնիա, Գաղատիա,
Կողքիս, Հնդիկք, Բոսպորիա, Մեովտիս, Դեռիս,

Սարմատիս, Տարինիս, Սարոնատէս, Սկիօթիս, Թրակէ, Մակեդոնիս, Դաղմատիս, Մովդիս, Թեսաղիս, Ղոկրիս, Բեովտիս, Ետողիս, Ատտիկէ, Աքայիս, Պեղենիս, որ կոչի Պողէպոնէսիոս, Ակաթնէա, Հէպիրոտիս, Իդիրիս, Ղիքինիտիս, Ադրիակէ, յորմէ ծովն Անդրիական. Գաղիս, Ղիսիտանիս, Իտաղիս, Թուսկենէ, Մասաղիս, Կեղտիս, Գաղիս, Սպանոգաղիս, Իբերիս, Սպանիս Մեծ: Աստ սպառին սահմանքն Յաբեթի՝ մինչեւ ի կղզիսն Բրիտանիկէցոց. եւ հային ամենեքին ընդ հիւսիսի: Եւ այս են կղզիք նոցա: Սիկեղիս, Բրէտանիս, Կիբիւս, Ռոդոս, Քիոս, Ղեսքոս, Կիթերա, Չակիւնթոս, Կեփաղենիս, Իթակէ, Կորկիրիս, եւ Կիդաղէս, եւ մասն մի յԱսիա՝ որ անուանեալ կոչի Յովանիս. եւ գետն Դկղաթ մեկնէ ի մէջ Մարաց եւ Բաբիլոնի: Այս են սահմանք Յափեթի:

Որդիք Քամայ՝ Քուշ. եւ ի նմանէ Եթիովպացիք. Մեսորայիմ՝ եւ ի նմանէ Եգիպտացիք: Փաղ եւ ի նմանէ Տրոգդացիք ծականուորք, Քանան. եւ ի նմանէ Ափրիկացիք եւ Փիւնիկէցիք:

Որդիք Քուշայ՝ Սաբա, եւ Եփղաթ եւ Սաբեկաթա, եւ Հոեգամայ, եւ Սաբաթայ: Եւ որդիք Հոեգամայ՝ Սաբայ եւ Յուդադան: Եւ Քուշ ծնան գՆեբրովթ: Եւ եգիպտացիք՝ հանդերձ Մեսորայիմաւ հարբն իրեանց, առնին ութ, քանգի ասէ, թե Մեսորայիմ ծնաւ գՂուդիիմ, եւ ի նմանէ ծնան Ղիւգացիք. եւ գՆիգիիմ. եւ ի նմանէ Պամփիդացիք. եւ գՂաբաիմ. եւ ի նմանէ Ղիւբիացիք. եւ գՆեփթաղիմ, եւ գՊատրոսոնիմ. եւ ի նմանէ Կրետացիք. եւ գՔետոնիիմ՝

եւ ի նմանէ Ղիւկեացիք, յորմէ ելին Փոշտացիք եւ գԲանաթփթորիիմ. եւ ի նմանէ Դակեացիք, յորոց ելին Փիղիստիմացիք:

Ամենայն ազգք Քանանացոց՝ հանդերձ Քանանաւ հարքն իրեանց՝ երկոտասան. քանզի ասէ, թե՛ Քանան ծնաւ զՍիդովն զանդրանիկ իւր. եւ ի նմանէ Սիդովնացիք. եւ զՔետացիս. եւ զՅերուսացիս. եւ զԱնովրիացիս. եւ զԳերգեսացիս. եւ զԽեւացիս. եւ զԱրուակացիս. եւ ի նոցանէ Տրիպոդիտք. եւ զԱսենացիս. եւ զԱրադիովն. ի նմանէ Արադացիք. եւ զԾամրիմ. ի նմանէ Որթոսեցիք. եւ զԱմաթի. եւ ի նմանէ Ամաթոսեցիք. ընդ ամենայն ազգք երեսուն եւ երկու. եւ է բնակութիւն նոցա յՌինիկորորայ մինչեւ ի Գադիրովն, որ է ընդ հարաւակողմն:

Եւ այս ազգք են՝ որ ծնանին ի նոցանէ:

Եթիովպացիք, Տրոզղացիք ծակամուտք, Առեացիք, Սարակինոսք, Իսաբինացիք, ձկներք շեղենացիք, Եգիպտացիք, Փիւնիկացիք, Ղիւբեացիք, Մարմարիդացիք, Կարացիք, Փիւղիտացիք, Միւսացիք, Մոսոնիկեցիք, Փոհիզացիք, Միքոնացիք, Բիւթիւնացիք արեւմտականք, Նոնոդացիք, Ղիւկիացիք, Մարիանդէնացիք, Պամփիւղացիք, Մեսիւզացիք, Պիսիդացիք, Աւգադիացիք, Կիդիկեցիք, Մարիսացիք:

Եւ այս ազգք են որ ծնան ի նոցանէ:

Կրետացիք, Մագարացիք, Նամադացիք, Մակրոնացիք Նամասոնացիք. սոքա ունին յԵգիպտոսէ մինչեւ զՈվկիանոս:

Եւ այս են կղզիք նոցա:

Եպիւկինիա, Իդակորսուդա, Ղիւպադուսա, Գաւդոս,
Մեդիտէ, Կերկիւնիա, Մէնիգա, Սարդոնիէ, Գաղատէ,
Գորսիւնա, Կրետէ, Գարոս, Ղեգէ, Թերա, Կարէաթոս,
Աստիպադեա, Քիոս, Ղեսքոս, Տենեդոս, Իսքրոս, Իյարսոս,
Սամոս, Կովաս, Կնիդոս, Նիսիրոս եւ Կիւպրոս մեծ կղզի:

Եւ որ գիտեն ի սոցանէ դպրութիւն՝ են այսոքիկ:

Փիւնիկեցիք, Եգիպտացիք, Պամփիլիացիք, Փոնիգացիք,
եւ են սահմանք Քամայ յՈՒնիկորոսայ, որ մեկնէ զԱսորիս
եւ զԵթովպիէ. եւ ձգին մինչեւ ի Գաղղիոս:

Եւ այս են անուանք աշխարհաց նոցա:

Եգիպտոս, Եթիովպէ, որ հայի ընդ Հնդիկս. եւ մի[ս]
եւս Եթիովպէ՝ յորմէ Քուշացոց գետն ելանէ. Երիթրա՝ որ
է Կարմիր ծով, որ հայի ընդ արեւելս. Թեբայիս Ղիւբիէ,
որ ձգի մինչեւ ի Կորկիւրենէս. Սամմարէս. Սինքսիս,
յորում բնակեալ են ազգք քսան Անովնացոց. Մակասք.
Տաւտամէացիք. Լիւբէ՝ որ ձգի ի Ղիւպիայ մինչեւ ի փոքր
Սիրտէոս. Նումիդիա. Մետուրիս. Մարիտանիա, որ ձգի
մինչեւ յարձանսն Հերակղեայ, որ կայ դէմ յանդիման
Գաղղիոսի. եւ որ առ ծովեզերք գաւառսն ունի, որ են ի
հիւսիսոյ՝ զԿիդիկիա, զՊամփիլիա, զՊիսիդիա, զՄիւսիա,
զՂիգոնդնիա, զՓոնիգիա, զԿամագիա, զՂիւկիա, զԿարիա,
զՂիդիա, զմիւս եւս զՄիւսիա, զՏցովադա, զՈվդիդա,
զԲիթինիա, զառաջին Փոնիգիա:

Ունի եւ կղզիս զՍարդովինիա, զԿրետէ, զԿիւպրոս. եւ
զգետն Գեհովն, որ անուանեալ կոչի Նիդոս, որ մեկնէ ի մէջ

Քամայ եւ Յաբեթի. սկիզբն Երկորեայց ծովուն, այսինքն է՝
ծով Արեւմտից կոչեցեալ: Այս են ազգք Քամայ:

Երէց որդին Նոյի՝ Սէմ. եւ ի Սէմայ են ազգք քսանեւիինգ,
որ բնակեցան յարեւելս. որդիք Սէմայ՝ Եղամ. եւ ի նմանէ
Եղամացիք, Խուժիկք, Ասուր. եւ ի նմանէ Ասորեստանեայք.
Արփաքսաղ. եւ ի նմանէ Քաղդէացիք. Ղուղ՝ եւ ի նմանէ
Ղազովնացիք. Արամ՝ եւ ի նմանէ Ետացիք առաջինք:
Չսոսա կոտորեաց Աբրահամ: Եւ որդիք Արամայ՝ Ովս
եւ Ուղ. եւ ի նմանէ Ղիդացիք եւ Գաթեր. ի նմանէ
Գասփենացիք. եւ Մոսոք՝ եւ ի նմանէ Մասենացիք:

Եւ Արփաքսաղ ծնաւ զՍաղա. Սաղա ծնաւ զԵբեր.
ի նմանէ Եբրայեցիք. եւ Եբերեայ եղեն երկու որդիք.
Փաղեղ՝ եւ ի նմանէ կարգի ազգն Աբրահամու: Եւ Յեկտան
ծնաւ զԵղմովադաղ, ի նմանէ Հնդիկք: Սաղեփ. ի նմանէ
Բակտրիանոսք. եւ զԱսրամովթ. ի նմանէ Արաբացիք. եւ
զԵղովրամ, ի նմանէ Կամեղացիք. եւ զԱղովրա, ի նմանէ
Արադացիք. զԷզեղ, ի նմանէ Արիանացիք. եւ զԴէկղամ,
ի նմանէ Կէդրուսացիք. եւ զԳէբաղ, ի նմանէ Սկիւթացիք.
եւ զԱբիմիեղ, ի նմանէ Վրկանիկք. եւ զՍաբաթ, ի նմանէ
Արաբացիք առաջինք. եւ զՈվփիր, ի նմանէ Արամացիք.
եւ զԵիդղաթ, ի նմանէ Գիմնոս Սովիստեայք, որ կոչին
մերկիմաստակք: Ամենեքեան սոքա յերից որդւոցն Նոյի
ազգք եւթանասուն եւ երկու:

Եւ է բնակութիւն որդւոցն Սէմայ ի Բակտրոնէ մինչեւ
յԴիւնկորոտոյն, որ մեկնէ ընդ Ասորիս եւ ընդ Եգիպտոս
եւ ընդ ծովն Կարմիր, ի բերանոյ ծովուն՝ որ է յանդիման

Ասինեայ, այսինքն է՝ շնդկաց աշխարհին:

Եւ այս ազգք են, որ եղեն ի նոցանէ. Եբրայեցիք, որ են շրեայք, Պարսք, Մարք, Պայկաստան, Արուայիկք, Ասորեստանեայք, Վրկանիկք, շնդիկք, Տապրիկք, Պարթեւք, Գերմակացիք, Իդամացիք, Քուշանք, Արաբացիք առաջինք, Կեդարք, Սկիւթացիք, Արաբացիք, Գիմնոս Սոփիստայք, որ կոչին Մերկիմաստք: Եւ ձգին բնակութիւնք սոցա մինչեւ յՌիմիկորորոն եւ ի Կիդիկիա:

Եւ այս ազգք են ի սոցանէ, որ գիտեն դպրութիւն. Եբրայեցիք՝ որ են շրեայք, Պարսք, Մարք, Քաղդէացիք, շնդիկք, Ասորեստանեայք: Եւ է երկայնութիւն բնակութեան որդւոցն Սեմայ՝ ի շնդկաց մինչեւ յՌիմիկորորոն. եւ լայնութիւն ի Պարսից եւ ի Բակտրոնէ մինչեւ ի շնդիկս:

Եւ այս են անուանք աշխարհաց նոցա. Պարսք՝ հանդերձ ազգաւքն որ շուրջ գնոքաւք են, Տապրիկք, Վրկանիկք, Բաբիլոն, Կորդուք, Ասորեստան, Միջագետք, Արաբիա առաջին, Եդամ, շնդիկք, Արաբիա փառաւոր կողմն Ասորւոց, Կոմագենէ. եւ Փիւնիկէ՝ որ է որդւոցն Սեմայ: Եւ ընդ ամենայն ազգք երից որդւոցն Նոյի եւթանասուն եւ երկու:

Եւ ազգք, որոց ընտրին միմեանց լեզուք, են այսոքիկ. Եբրայեցիք, Ասորեստանեայք, Քաղդէացիք, Պարսք, Մարք, Արաբացիք, Մադիանացիք, Ադիբենացիք, Տայիանոսք, Ադամոսանացիք, Տաճիկք, Մոդք, Կասքք, Ադուանք, շնդիկք, Քուշանք՝ որ են Եթիոպացիք, Եգիպտացիք, Ղիբէացիք, Քետացիք, Քանանացիք, Փերեզացիք, Խեւացիք, Անովրիացիք,

Գերգեսացիք, Յեբուսացիք, Եդովմայեցիք, Սամարացիք, Փիւնիկեցիք, Ասորիք, Կիւիկեցիք՝ որ են Տարասացիք, Գամիրք, Հայք, Եգերացիք, Վիրք, Սկիւթացիք, Կողքեցիք, Խաղտիք, Բոսպորացիք, Ասիւնացիք, Սաւրացիք, Ղիւկաովնացիք, Պիսիդացիք, Գաղատացիք, Պափղագովնացիք, Փոիւգացիք, Գուդացիք, Յոյնք՝ որ են Աքայեցիք, Թեսաղք, Մակեդովնացիք, Թրակացիք, Միսեցիք, Բեսիւացիք, Դարդանացիք, /?/ Սարմատացիք, Գերմանացիք, Պանոնացիք՝ որ են Պելովնացիք, Նովրիկեցիք, Դաղմատք, Հռոմք՝ որ են Ղատինացիք, Ղիւզրացիք, Գաղիացիք՝ որ են Կեղտացիք, Ալկիտանացիք, Բրիտանացիք, Սպանիացիք՝ որ են Տիրենացիք, Հոնք, Մաւրացիք, Բակուացիք, Դեղուտացիք, Մեղեկացիք, Ափրիացիք, Մագիկացիք, Գարնմանք՝ որ են Բերեդացիք, որ երկայնեալ ձգին մինչեւ յԵթիովպիէ:

Լաւ համարեցայ համառատիւ ցուցանել եւ վասն եկաց ազգաց՝ որ գնացին յիրաքանչիւր բնակութենէ, եւ չոգան բանակեցան յաւտար տեղիս ուրեք ուրեք:

Եւ արդ սկսանինք յարեւելից. ի Պարսից եւ ի Մարաց չոգան բնակեցան ի Պարթեւս. եւ ազգքն, որ շուրջ գնոքաւք են՝ չոգան հասին մինչեւ ի կողմանս Ասորոց: Եկք Արաքացոց՝ Արաքացիք փառաւորք, քանզի այսպէս անուանեցաւ Արաքիա Փառաւոր: Եկք Քաղղեսացոցն՝ Միջագետեայք: Եկք Մաղիանացոց՝ Կինեդոկոդպիաք, Տրոգդացիք ձկնկերք: Եւ ազգս Յունաց, որ ունին անուանս հինգ՝ Յոնիդէս, Արկադէս, Բրիովտացիք, Եողացիք,

Ղակոնացիք: Եւ եկք սոցուն են այսոքիկ. Պոնտացիք, Բիթանացիք, Սպանիացիք, Տրովացիք, Ասիանացիք, Կարացիք, Ղիլիկացիք, Պամփիլիացիք, Կիւրենացիք, եւ կղզիք բազումք, որ ունին զՄիբրտովնական համատարածն:

Եւ ի սոցանէ կղզիք մետասան շուրջ զծովուն՝ որ կոչի Հետոմիրատոս: Եւ են այսոքիկ. Անդրոս, Տէնոս, Տեովն, Նաքսոս, /34b/ Կեովս, Կիրոսոս, Դեդոս, Միւփնոս, Ռենէ, Կիւրնոս, Մարաթոն: Եւ այդ եւս կղզիք մեծամեծք երկոտասան, յորս եւ քաղաքք բազում բնակեալ են, որ անուանեալ կոչին Սպորագէս, այսինքն՝ ցանք եւ ցիրք, յորս պանդխտութեամբ բնակեցան Յոյնք:

Եւ են այսոքիկ. Երփա, Կրետէ, Սիկեդիա, Կիպրոս, Կովաս, Սամոս, Ռոդոս, Քիոս, Թասոս, Ղեմնոս, Ղեսքոս, Սամովթրակէ: Եւ են ի Բիոտացոց՝ Երփա, որպէս ի Յունացն՝ յունական քաղաքք վեշտասան:

Եւ են այսոքիկ. Կղաղոմինէ, Միտիլիինէ, Փովկէա, Պրիենէ, Երիօքէ, Սամոս, Սմեոս, Կողոփոն, Քիոս, Եփեսոս, Սմիւռնա, Պերինթոս, Բիւզանտիս, Քաղկեդովն, Պոնտոս, եւ Ամիսոս, Եդեթերա:

Հոռնայեցոց եւ Կիտիացոց ազգք եւ եկք են այսոքիկ. Թուսկք, Կիինէղէսացիք, Պիլկենացիք, Կամպանացիք, Ապուղէսացիք, Կաղաբերացիք, Ղուկանացիք:

Ազգք եւ եկք Ափրիկացոց. Նեքդենացիք, Կինթացիք, Նումիդացիք, Նասամովնացիք: Եւ են կղզիք հինգ, յորս եւ քաղաքք Ե. Սարդոնիա, Կորսիկիա, Գիրբաւ եւ Բենիսիա, Կերկինա, Գաղատէ:

Ազգ եւ եկք Մարացոց. Ղիւսինացիք, Մուսողենացիք, Տինգիացիք, Կեսարանացիք:

Ազգք Սպանիացոց՝ որ են. Տիրենացիք, Դէտարակոնեացիք, Ղիւսիտանացիք, Բեռտիկացիք, Աւորիգոնացիք, Բասկոնացիք, Կաղիլկեցիք՝ որ են Ասպորացիք:

Այս են ազգք եւ եկք Գաղիացոց՝ որ կոչին Արբուսացիք Ղ...ւտենացիք, Բաղինացիք, Սիկենացիք, Աւրինացիք:

Ազգք եւ եկք Գերմանացոց են այսոքիկ. Մարկեմոնացիք, Բերդինէղացիք, Կիոդացիք, Բիրլենադացիք, Անոգիոդացիք: Եւ ազգք եւ եկք Սարմատացոց՝ Ամաքսիսքացիք, Գրեկացիք՝ որ կոչին Գրեկոսարմատք:

Եւ գայս եւս լաւ համարեցայ յայտ առնել քեզ զանգէտ կողմանս ամենայն ազգաց, եւ զլերին անուանիս եւ զգետս գերեւելիս. որպէս զի եւ յայսցանէ մի՛ ինչ անտեղեակ գտանիցիս:

Եւ արդ սկսանիմ ասել զազգացն, եւ առնեմ սկիզբն յարեւելից: Արուայստան եւ Տաճկաստան անդր քան զԱրաքացիս են: Տաճիկքն բուն անդր քան զՏաճկաստան է: Եւ Աղուանք անդր են քան զԴրունս Կասպից: Եւ Մեծն Մաղիա՝ ընդ որս մարտեաւն Մովսէս, է անդր քան զԿարմիր ծով. եւ Փոքր Մաղիամ մերձ առ նա՝ սահմանակիցք են Եգիպտոսի, որ թագաւորեացն Ռագուլէղ աներ Մովսէսի: Եւ անդր քան զԳամիւս. յաջմէ կողմանէ Հայք, Եգերացիք, Վիրք, Կողքեցիք, Սկիւթացիք, Բոսպորացիք, Խաղտիք, Նասացիք՝ որ կոչին Սանիտացիք, որ ձգին մինչեւ ի

Պոնտոս, ուր էր բանակն Ափսարովսայ, եւ Մեքաստոպողիս, եւ նաւահանգիստն հիւսիսոյ եւ Փասիս գետ: Եւ հասանեն ազգք այսոքիկ ի Տրապեզունտ:

Այս են անուանք տասն եւ երկու լերանցն անուանեաց. Լիբանան, Կաւկաս, Տաւրոս, Ատղաս, Պառնասոս, Կիթերոն, Եդիկոն, Պարթենիոս, Մասիք, Ղիւկաբանտոս, Պենիովս, Ողիմպոս:

Գետք մեծամեծք եւ անուանիք են քառասուն. Հինդոս՝ որ է Փիսովն. Նիդոս՝ որ է Գիհովն, Դկղաթ, Եփրատ՝ որ է Արածանի. Իովրդանան, Կէփ[իսոս], Տանայիս, Մէնոս, Եզինանթոս, Հադիս, Ատորայիս, Թերմոդոն, Երասիս, Կուր գետ, Բովրիսթենէս, Ադփիոս, Տաւրոս, Երոտոս, Մեանդրոս, Երմոս, Աքսիոս, Պիւրանոս, Բլոս, Եբրոն, Սանգարիս, Քեդոս, Պտէնէոս, Եւէնոս, Եպարքիոս, Կահիւստոս, Սիմոիս, Սկամանդրոս, Ստիւմոն, Պարթենիոս, Իստրոս, Ռէնոս, Բետէս, Բոդանոս, Երիզանոս, Թիբրիս՝ որ այժմ անուանեալ կոչի Տիբերիոս. ընդ ամենայն քառասուն:

Արդ՝ վասն զի յայտ եղեւ վասն ազգացն՝ յերից որդւոցն Նոյի, որ ընդ ամենայն երկիր սփռեցան, թե ո՛վ յումէ ծնաւ: Մէմ՝ անդրանիկ՝ կալաւ զկողմն արեւելից: Քամ զկողմն հարաւոյ. Յաբեթ զկողմանս արեւմտից եւ հիւսիսոյ:

Պարտ եւ պատշաճ է այսուհետեւ ընթանալ զհետ ամացն թուոց:

Փաղէզ եղեալ ամաց հարիւր եւ երեսուն՝ ծնաւ զՌ-ագաւ: Ռ-ագաւ եղեալ ամաց հարեւր երեսուն եւ երկուց՝ ծնաւ զՍերուք:

Մերուք եղեալ ամաց հարերս եւ երեսուն՝ ծնաւ զՆաքովր:
Նաքովր եղեալ ամաց հարերս եւ ինն՝ ծնաւ զԹարայ:
Թարայ եղեալ ամաց եւթանասնից՝ ծնաւ զԱբրահամ:

Աբրահամ էր ամաց եւթանասուն եւ հնգից, ի ժամանակի
իբրեւ հրաման ետ Աստուած՝ ելանել նմա ի տանէ հարց
իւրոց եւ գալ յերկիրն Քանանացոց: Արդ՝ առնին ի բաժնացն
երկրի մինչեւ ի գալ Աբրահամու յերկիրն Քանանացոց՝
ազգք հինգ, ամք ՈԺԶ. եւ յԱդամայ՝ ազգք քսան, ամք
ՎՅԶԴ:

Բնակեաց Աբրահամ յերկիրն Քանանացոց ամս քսան
եւ հինգ. եւ ապա ծնաւ զԻսահակ: Իսահակ եղեալ
ամաց վաթսուն՝ ծնաւ զՅակոբ: Յակոբ եղեալ ամաց
ութսուն եւ եւթանց՝ ծնաւ զՂեւի: Ղեւի եղեալ ամաց
քառասուն եւ վեցից՝ ծնաւ զԿահաթ: Կահաթ եղեալ ամաց
վաթսնից՝ ծնաւ զԱմրամ: Ամրամ եղեալ ամաց եւթանասուն՝
ծնաւ զԱհարովն. եւ յամին ութսներորդի երրորդի կենացն
Ահարովնի ելին որդիքն Իսրայէլի յերկրէն Եգիպտացոց
ի ձեռն Մովսէսի առաջնորդին իւրեանց: Եւ առնին ամենայն
ամք բնակութեան որդւոցն Իսրայէլի յերկրին Եգիպտացոց
ամք չորեքհարերս. եւ յանապատին՝ ամս քառասուն:

Յետո որդի Նաեայ իբրեւ անց ընդ Յորդանան գետ,
եկաց երկրին Քանանացոց ամս քսան եւ եւթն. եւ
ի պատերազմունսն՝ ամս վեց. յետ ժառանգեցուցանելոյ
գերկիրն վիճակաւք՝ եկաց ամս քսան եւ մի: Արդ՝ առնին,
յորմէ հետէ եկն Աբրահամ յերկիրն Քանանու, մինչեւ ի
մեռանելն Յետուայ որդւոյ Նաեայ՝ ազգք եւթն, ամք ՇԱ. եւ

յԱդամայ՝ ազգք քսան եւ երօն, ամք ՎՊՁԴ:

Յետ մահուան Յեսուայ մեղաւ ժողովուրդն, եւ մատնեցան Քուսանայ արքային Միջագետաց. եւ ծառայեցին նմա ամս ութ. եւ իբրեւ աղաղակեցին առ Աստուած, յարոյց նոցա իշխան գԳոթոնիէզ՝ գեղբայր Քաղեբայ գկրստեր, որ էր ի ցեղէ Յուդայ: Սա մարտեաւ ընդ Քուսանայ եւ սպան գնաւ. եւ տիրեաց ժողովրդեանն ամս քառասուն: Յաւորս Սամեդարայ՝ Պոմիդեւս եւ Պիմիթեւ, Պիսոս, Ատղաս, Պանոպտեւ, Դեկադիոն ճանաչին: Յետ վախճանելոյն Յեսուա կալան ծերքն Լ ամ:

Դարձեալ մեղուցեալ՝ մատնեցան Եգղովմայ արքայի Մովսաբու եւ ծառայեցին նմա ամս ԺԸ. եւ իբրեւ դարձան առ Աստուած, յարոյց նոցա իշխան գԱւովդ՝ յազգէ Եփրեմի, որ սպան գԵգղովմ. եւ տիրեաց ժողովրդեան ամս ութսուն: Յետ մահուանն Աւովդայ մեղաւ ժողովուրդն. եւ մատնեցան Յաբիսայ արքայի Քանանացոց՝ ամս քսան ծառայեալ նմա: Ի սորա ատորս մարգարեացաւ Դեբովրա կին Աղփիդովթայ՝ յազգէ Եփրեմի. եւ ի նորա ձեռն տիրեաց. գաւրու որդոցն Իսրայէլի Բարակ՝ որդի Աբենեւմայ, ի ցեղէ Նեփթաղէմայ: Սա մարտեաւ ընդ Միսարայի սպարապետին Յաբինայ, եւ յաղթեաց նմա, եւ տիրեաց որդոցն Իսրայէլի. եւ դատեցաւ Դեբովրայ գժողովուրդն ամս քառասուն: Յաւորս Դեբովրայ մարգարեւոհոյ՝ որ ընդ Բարակայ, որք ի Դիոսէ վիպասանին, ուստի Պիպկոս անուանեալն Չեւս, Կրոնայ ազգական, յարեւմուտս թագաւորեաց. որ ունէր դստերս Երովպէմինոս, Անտիոպէ, Աղկմենէ, Սեղդենէ, Դանաովէ,

Պերսես, Եղէղա՛ կին Չեսայ: Չես՛ կենդանութիւն կոչի,
Եղէղա՛ աղ, վասն տուրեառ շնչոց:

Յետ մահուանն Դերովրայ մեղաւ ժողովուրդն եւ
մատնեցան Մաղիանացոց ամս եւթն: Ի սոցա վերայ շոգաւ
Գեղէովն երեքհարեր արամբ, եւ սատակեաց կորոյս ի
նոցանէ բերս երկոտասան: Սա տիրեաց ժողովրդեանն
գամս քառասուն, որ էր յազգէ Մանասէի: Յաւորս
Գեղէովնի՛ Չեթոս եւ Ամբիովն, որդիք Չեսայ, երեւեին: Եւ
սորին որդի Աբիմեղէք ամս երիս: Յաւորս Աբիմեղէքայ՝ որք
ըստ Գանեմիդեայն, եւ Պերսեայն, եւ որք ըստ Երակղեայն,
եւ Արգոսին, եւ որք ըստ Ղիկուրգոսի արինադիր էին՝
ճանաչէին:

Յետ սորա տիրեաց Թովղա՛ որդի Փիղեայ Աքարեանց,
որ էր ի ցեղէ Եփրեմի, եւ տիրեաց ամս քսան եւ երիս: Յետ
սորա Յայիր Գաղաադացի՛ յազգէ Մանասէի. եւ տիրեաց
ամս քսան եւ երկուս: Եւ յետ սորա մեղաւ ժողովուրդն.
եւ մատնեցան Ամովնացոց ամս ԺԸ. եւ աղաղակեցին առ
Աստուած. եւ յարոյց նոցա իշխան գՅեփթայէ Գաղայադացի
յազգէ Մանասէի. եւ տիրեաց ամս վեց: Յետ սորա տիրեաց
Եսեբովն՛ յազգէ Յուդայ ամս եւթն: Յետ սորա տիրեաց
Աղղովն, յազգէ Չաբուղովնի, ամս տասն: Յետ սորա
տիրեաց Եբրովն, որդի Աղեղայ Ափրաթովնացի, յազգէ
Եփրեմի՛ ամս ութ:

Յետ սորա մեղաւ ժողովուրդն, եւ մատնեաց այղազգեաց
ամս քառասուն: Եւ իբրեւ դարձան՝ յարոյց նոցա իշխան
գՍամփսովն որդի Մանուէի, յազգէ Դանայ, որ մարտեաւ

ընդ այդազգիսն. Եւ տիրեաց ամս քսան: Յաւորս Սամփսովնի Դեդաղ՝ որ հիւսն Մաժան կոչի, եւ Երակղէս՝ որդի Զեսայ, ի յԱղկմենայ ծնեալ, եւ Երմես եռամեծ երեւեին:

Յետ սորա տիրեաց Սամեգար ամս երեսուն: Յետ այսորիկ անիշխանութիւնն կալաւ, որպէս Ափրիկանոսն պատմէ, ամս քառասուն: Յետ սորա շեղի քահանայ դատեաց գժողովորդն ամս քսան. եւ տապանակն Աստուծոյ եղեւ առ այդ ազգիսն ամիսս եւթն: Յաւորս շեղեայ քահանայի Իդիոն հրկէզ եղեւ եւ քաջքն ի մաւտ կային:

/37b/ Յետ սորա Սամուէղ մարգարէ, որ աւծ գՄաւուղ ի թագաւոր: Եւ յետ այսորիկ դարձոյց Սամուէղ գտապանակն յայդազգեացն. եւ եղ ի տան Ամինադաբայ. եւ եկաց անդ ամս քսան: Եւ դատեաց զԻսրաէլ ամս քսան եւ երկուս: Եւ թագաւորեաց Սաւուղ ամս քառասուն. եւ էր նորա սպարապետ Աբեններ՝ որդի Ներեայ:

Յետ այսորիկ իբրեւ թագաւորեաց Դաւիթ, եհան գտապանակ կտակարանացն ի տանէ Ամինադաբայ. եւ ի հանելն՝ թիրեաց գնա եզնն. իբրեւ մատեաւ ուղղել գնա Ոգա, հարաւ անդէն եւ մեռաւ: Իբրեւ ետես Դաւիթ՝ զահի հարաւ. եւ եկաց անդ ամիսս երիս: Այս Սամուէղ աւծ զԴաւիթ ի թագաւոր: Եւ առնին ի Յեսուայ որդոյ Նաւեայ մինչեւ յառնուլն Դաւթի զթագաւորութիւնն, որ էր յազգէ Յուդայ, ազգք եւթն, ամբ ՆՁԷ. եւ յԱդամայ ազգք երեսուն եւ չորս, ամբ ՏՅԿԴ:

Յետ այսորիկ թագաւորեաց Դաւիթ ամս քառասուն եւ

ամիսս վեց. ի Քեբրոն՝ ամսս եւթն, ամիսս վեց. եւ յԵրուսաղէմ՝
ամսս երեսուն եւ երիս: Ի սորա ատուրս էր քահանայապետ
Աքիաթար՝ որդի Աքիմեղեքայ: Եւ ի միսմէ ցեղէն՝ Սաղովկ:
Եւ մարգարեանային յատուրս Դաւթի՝ Գաղ, Նաթան, եւ
Ասափ. եւ էր սպարապետ Դաւթի՝ Յովաբ որդի Սարուիեայ,
քեռ Դաւթի: Սա թուեաց զցեղսն Իսրաէլի. եւ էր թիւն,
զոր թուեաց Յովաբ որդի Սարուիեայ զորդոցն Իսրաէլի,
անձինք իբրեւ հազարիցս, եւ հարիւր հազար եւ որդիքն
Յուդայ՝ ՆՀՆ: Բայց Ղեւի եւ Բենիամին ոչ թուեցան. եւ վասն
թուելոյն նորա զԻսրաէլ, անկան յԻսրաէլէ եւթանասուն
հազար:

Յետ Դաւթի թագաւորեաց Սողոմովն, որդի նորա, ամսս
քառասուն. եւ ի նորա ատուրս դարձեալ մարգարեանայր
Նաթան եւ Աքիա Սեղովնացի. եւ քահանայապետ նորա էր
Սաղովկ:

Յետ սորա թագաւորեաց Ռոբոլամ որդի իւր ամսս եւթն եւ
տասն. առ սովաւ բաժանեցաւ թագաւորութիւնն:

Եւ ի Սամարիա թագաւորեաց Յորոբովամ ծառայ
Սողոմովնի, յազգէ Եփրեմի՝ եւ մարգարեանայր առ
Յորոբովամաւ Աքիաս Սեղովնացի եւ Սամեա որդի ի
Հեղումայ:

Յետ սորա թագաւորեաց Աքիա որդի իւր՝ ամսս վեց: Յետ
սորա թագաւորեաց Ասսա՝ որդի նորա, ամսս քառասուն եւ
մի: Սորա ի ծերութեան ցաւեցին ոտք իւր. եւ մարգարեանայր
յատուրս նորա Անանիա:

Յետ սորա թագաւորեաց Յովասափատ որդի իւր ամսս քսան

Եւ հինգ: Ի սորա ատուրս մարգարեանայր Եղիաս, եւ Միքեէ՝ որդի Յեմբղեայ, եւ Աբդիու՝ որդի Անանիայ. եւ էր յատուրս Միքէի մարգարէ մի սուտ՝ անուն Սեղեկիա, որդի Քանանու:

Յետ սորա թագաւորեաց Յովրամ որդի իւր՝ ամս քսան. ի սորա ատուրս մարգարեանային Եղիա եւ Եղիսէնս:

Յետ սորա թագաւորեաց Ոքոզիա որդի իւր՝ ամ մի: Ի սորա ատուրս կերաւ ժողովուրդն, ի Սամարիա, գորդիս իրեանց եւ գաղբ աղանեաց, ի ժամանակին իբրեւ թագաւորեալ էր Յովրամ ի Սամարիա. եւ յատուրս Ոքոզիայ մարգարեանայր Եղիսէնս եւ Աբադադովնէ:

Յետ սորա թագաւորեաց Գոթողիա, մայր Ոքոզիայ, ամս ութ: Սա կոտորեաց զթոռունս իւր, զի յազգէ էր Աքաաբու արքայի Իսրաէլի. բայց քոյրն Ոքոզիա եւ Յովսաբէ՝ կին Յովիդայեի քահանայապետի՝ գողացան զՅովսա որդի Ոքոզիայ. եւ ի նորա վերայ եղ Յովիդայէ զթագաւորութիւնն: Եւ մարգարեացաւ առ Գոթողիա՝ Եղիսէնս:

Конец ознакомительного фрагмента.

Текст предоставлен ООО «ЛитРес».

Прочитайте эту книгу целиком, [купив полную легальную версию](#) на ЛитРес.

Безопасно оплатить книгу можно банковской картой Visa, MasterCard, Maestro, со счета мобильного телефона, с платежного терминала, в салоне МТС или Связной, через PayPal, WebMoney, Яндекс.Деньги, QIWI Кошелек, бонусными картами или другим удобным Вам способом.